



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), i Prijedloga odluke Vlade Brčko distrikta BiH broj: 02-000097/12 od 7. 2. 2012. godine, Skupština Brčko distrikta BiH, na 22. vanrednoj sjednici održanoj 9. februara 2012. godine, donosi

ODLUKU O ODOBRAVANJU ISPLATA DODATKA NA PLATU

Član 1

Odobrava se isplata dodatka na platu odnosno povećanje plate dodatkom na platu (u daljnjem tekstu: „dodatak“) za zdravstvene radnike i zdravstvene saradnike u Odjeljenju za zdravstvo i ostale usluge, obrazovne radnike u Odjeljenju za obrazovanje i inspektore, glavne inspektore i šefa Sektora eksterne kontrole u Direkciji za finansije Brčko distrikta BiH - Poreznoj upravi, na način kako je predviđeno Budžetom za 2011. godinu.

Član 2

Isplate dodatka vršit će se iz sredstava planiranih Odlukom o privremenom finansiranju odjeljenja i institucija Brčko distrikta BiH (u daljnjem tekstu: „Odluka o privremenom finansiranju“), u periodu važenja Odluke o privremenom finansiranju.

Član 3

Visina dodatka za zaposlenike iz člana 1 ove odluke vršit će se u iznosima od 20% za zdravstvene radnike i zdravstvene saradnike i inspeksijske radnike u Poreznoj upravi i 10% za obrazovne radnike, na način i za one kategorije zdravstvenih, obrazovnih i inspeksijskih radnika kako je to predviđeno usvojenim Budžetom Brčko distrikta BiH za 2011. godinu.

Član 4

Za realizaciju ove odluke zadužuje se Direkcija za finansije Brčko distrikta BiH.

Član 5

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-526/12
Brčko, 9. februara 2012. godine

**PREDSJEDNIK
SKUPŠTINE BRČKO DISTRIKTA BiH**

Esad Atić

Dostavljeno:

1. Predsjedniku
2. Dopredsjedniku
3. Gradonačelniku
4. Direkciji za finansije
5. Poreznoj upravi
6. Odjeljenju za stručne i administrativne poslove
7. Odjeljenju za obrazovanje
8. Odjeljenju za zdravstvo i ostale usluge
9. Sektoru za koordinaciju politika i opće poslove
- Odsjeku za opće poslove
10. Arhivi